



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანდრიაწმინდა



ანდრიაწმინდის წმინდა
ანდრია
პირველწოდებულის
ეკლესია

ანდრიაწმინდა, სოფელი ახალციხის მუნიციპალიტეტში (სამცხე-ჯავახეთის რეგიონი), შავშეთის ქედის კალთაზე, მდ. ურავლის (მტკვრის მარცხ. შენაკადი) მარცხ. მხარეს. თემის ცენტრი (სოფლები: ა., ანდა), ზ. დ. 1320 მ. ახალციხიდან 18 კმ. 295 მცხ. (2014). სოფლის სახელი უკავშირდება ამავე სოფლის წმ. ანდრია მოციქულის ეკლესიას. „გურჯისტანის ვილაიეთის დიდი დავთრის“ ცნობით, XVI ს. მიწურულში ა-ში 42 კომლი ცხოვრობდა, 1870 კი 24 კომლი იყო აღრიცხული. სოფლის სასაფლაოზე დგას წმ. ანდრიას პატარა, ერთნავიანი, ერთსაფეხურიან ცოკოლზე დაფუძნებული X ს.

ეკლესია. ფასადები, საბჯენი თალები, აფსიდი და კონქი, კარ-სარკმლის საპირეები ნაგებია ერთმანეთთან კარგად მორგებული მაღალი ხარისხის სუფთად გათლილი დიდი მონითალო კვადრებით, ინტერიერის კედლები კი – ასევე დიდი, უხეშად დამუშავებული ქვითა და სქელი დუღაბით. შესასვლელი ორია –სამხრ-ისა და დას-ისა (დას-ისა ადრევე ამოუქოლავთ). აღმ-ით ღრმა ნახევარწრიული აფსიდია. გადამხური კამარა ეყრდნობა კონსოლებზე ამოყვანილ საბჯენ თაღს. ფასადები სადაა, მორთულობის გარეშე, მხოლოდ დას. სარკმლის სათაურის ქვასა აქვს შემოვლებული კედლის სიბრტყიდან ამობურცული სადა, ბრტყელი ჩარჩო, რ-ის შიგნით ასევე ამობურცული წაგრძელებული ჯვარია გამოსახული.

1970-იანი წლების დასაწყისში სანახევროდ დანგრეულ ძეგლს რესტავრაცია ჩაუტარეს (არქიტ. თ. ნემსაძე). აღადგინეს კამარის ჩანგრეული ნაწილი, ფასადზე გადააწყვეს მორყეული ქვები და კარნიშები, აღდგა აღმ. სარკმლის საპირე წყობა, ძეგლი გადაიხურა,

მის ირგვლივ მოიჭრა ზედმეტი მინა.

ი. სიხარულიძე

თ. ნემსაძე
